

共同經課-1 民數記二十一章四節～九節

4 In tùi Hô-jī<sup>n</sup> 山起身，tùi 紅海ê路去，beh sêh í-tong ê 地；百姓爲 tiòh 所行ê路，心不止餒志。  
5 就嫌上帝 kap 摩西講：Lín 啥事 chhoā 阮出埃及，hō 阮死 tī chit-ê 曠野 ah？因爲無餅，無水，阮ê心厭賤 chit-ê 清淡ê食物。  
6 耶和華就差火蛇入百姓ê中間，咬百姓；以色列人死 choē-choē。  
7 百姓到摩西 hia，講：阮有犯罪，因爲阮有嫌耶和華 kap 你；請你求耶和華 hō chiah-ê 蛇離開阮。摩西就替百姓求。  
8 耶和華對摩西講：你做一尾火蛇，kùì tī 旗杆頂；見若 hō伊咬 tiòh ê，一下看，就會活。  
9 摩西就做一尾銅蛇，kùì tī 旗杆頂；見若 hō蛇咬 tiòh-ê，一下看 chit-ê 銅蛇，就活。

共同經課-2 詩篇一〇七篇一節～三節，十七節～二十二節

1 Lín tiòh 感謝耶和華，因爲伊是好，因爲伊ê慈愛永永 tī-teh。  
2 耶和華所救贖ê tiòh 講這話，就是伊 tùi 對敵手中所救贖ê；  
3 Tùi ták 國，tùi 東 tùi 西，tùi 南 tùi pak，所聚集ê lóng tiòh án-ni 講。  
17 驚人因爲 in ê過失，Koh 因爲 in ê罪惡，受苦楚。  
18 In ê 心厭惡 ták 樣ê 食物，就 óá 近死ê門。  
19 In 就 tī 苦難中哀求耶和華；伊 tùi in ê 患難中牽救 in。  
20 伊出命令醫好 in，救 in 脫離死無。  
21 爲 tiòh 耶和華ê慈愛，kap 伊對世間人所行ê奇事，願人 lóng o-ló 伊。  
22 亦願 in 獻感謝ê祭，出歡喜ê聲講起伊ê所做。

共同經課-3 以弗所書二章一節～十節

1 Koh lín 平素 tùi lín ê 過失 lín ê 罪過來死ê，伊也 bat hō lín koh 活；  
2 是 lín 前行 tī hit 中間，thàn chit 世間ê風俗，kap 空中掌權ê君王，就是現今運行 tī 悖逆ê人 hit-ê 神；  
3 其中阮前也 lóng tī 阮肉體ê私慾 teh 行做，thàn 肉體 kap 心內ê意思，生成是做 thang 受氣ê，親像別人一樣；  
4 總是上帝ê憐憫真豐盛，爲 tiòh 伊疼咱ê大仁愛，  
5 當咱 tùi 過失已經死ê時，就 hō咱 kap 基督同活，(lín tùi 恩典得 tiòh 救)，  
6 也 hō咱 tī 基督耶穌 kap 伊同起來，同坐 tī 天裡；  
7 koh tùi 伊 tī 基督耶穌所賞賜咱ê仁慈，beh tī 後世代顯明伊恩典ê極富有；  
8 因爲 lín tùi 恩典得 tiòh 救，是 tùi 信；這也 m̄是出 tī lín 本身，是上帝所賞賜；  
9 m̄是出 tī 所行，免得人誇口。  
10 因爲 lín 是伊所做成ê，受創造 tī 基督耶穌；來行好事，就是上帝事先備辦ê，beh hō咱行伊。

共同經課-4 約翰福音三章十四節～二十一節

14 Koh 親像摩西舉起蛇 tī 曠野，人子亦的確 tiòh án-ni 受舉起；  
15 hō見若信 ê 人 tiàm-tī 伊有永活。  
16 因爲上帝將獨生 ê kiá<sup>n</sup> 賞賜世間，hō見若信伊 ê 人 boē 沉淪，會得 tiòh 永活；伊疼世間到 án-ni。  
17 因爲上帝差 Kiá<sup>n</sup> 入世間，m̄是 beh 審判世間；是 beh hō世間對伊得 tiòh 救。  
18 信伊 ê 人無受審判；m̄信 ê 人已經受審判，因爲伊 m̄信上帝獨生 kiá<sup>n</sup> ê 名。  
19 所審判 ê，就是光入世間，亦人 ài 暗 khah 過頭 tī 光，因爲伊所行是 phái<sup>n</sup>。  
20 見若做 phái<sup>n</sup> ê，怨恨光亦 m̄就近光，驚了伊 ê 所行受責備。  
21 獨獨行真理 ê 人就近光，來顯明伊 ê 所行是 tī 上帝來行。